



Khantanhohi Tangkou

Constituent Member Church of ELCITHS | Regd.No.101 of 1987 Govt.of Manipur.
Regd.No.194160073 with Ministry of Home Affairs, Govt.of India | melcindia.wordpress.com

March 07, 2010

Vol. No. I | Issue No. IV

Motto 2010 : Gam Lah Ding Atam Nalai Hi. Joshua 13: 1

Hattuom mi siengthoute Chibai!

MELC DELHI KUM KHAT CHING | NUAMTHU TUTNA

Kum khat chinna melmu thei dinga A hoina zal hing zousah Pasian min phat in um hen, Amen!

Ningcum March 1, 2009 ni'n MELC Bishop Rt. Rev. T. Ginkhanmung Zou in MP's Club, North Avenue ah MELC Delhi honna ana nei hi. MELCD kiphu chil in Delhi Lutheran Church chi'a minvaw in ana um hi. Pawlpi khat ihileh min kibang nei poimaw ahi chinatoh 3rd Executive Committee dated 28.06.2009 nin kigen a, 05.07.2009 ni'a General Body Meeting ah Manipur Evangelical Lutheran Church, Delhi pomkipna ki nei hi.

Itenna gam in azillou ziehin ani ma in kilawm thei tasihma lezong hun lemtang pen a i lop thei man un mipi hing peikhawmte leh hun teng a hingna thumpia te tungah Pasian min in nuomthu i tun uhi.

Hattuom mimal tawm noukhat hima lezong Pasian hausatna toh ei mama in i Pastor pa bang ki chawm jou, local church ki enkol jou, hattuom properties tampi kinei jou, inlam a orphanage home, mission field leh target tuom tuom te bang kipe thei pai ahiman in a guolzawlina chinteng vankot hing honpie Pasian tungah nuomthu i gen sawn sawn uh ahi.

Kikhopna ding i poimaw lai un unau NTBC Delhi ten deisahna lienpen toh kihong tah in i ngetnate uh i dei dan dan in hing na pompia uhi. Jingkal i chileh phal, nita ichi leh phal jel uh, NTBC Delhi, na tung uah nuom ung e.

Hattuom a thu kizana poimaw chinatoh September 26, 2009 apat in Khantanhohi Tangkou i na pan khie uhi. Tualeh Pasian mai a i maipha suina um thei sun gammiel a i panthei na ding uh chi'n Missionary Box nei ding chi'n 27.09.2009 nin ana kipan khe kia hi. Music Project, LYF leh ELWA te 29.09.2009 ni'n ana ki form thei hi.

Hattuom mite'n Christmas leh Kumtha te lawmkham ding mi i um diei chie patautah a i um lai un Pasian Hagau umpina kitang in i gentaat sanga tamzaw, lim leh kipah tah in Biehinn leh Inn dolzawlou khop in ki zangthei hi. Pasian ma hoi hi e.

Khanglai lamte lemgel siemna toh Munirka Prayer Cell ahileh 29.09.2009 ni'n Chairmanpu Inn ah ana kipan thei hi. Munirka Prayer Cell chi hinanleh Munirka pulang ah zong thumkhawmna va kineipha thamta hi.

Lamka lam a Pawlpi khawmpi te zang din Pastor pu lamkai, ELWA, LYF te lampei man nei khom khom a ina tuosah thei ban uah, tawplou in thumna toh ina nuo zui zing thei uhi.

Tuni tan chieng tuntheina dinga pan ana la, mimal khat chiet tungah ikipahna uh alien a, Pasian vangpiehna i ngetpie uh ahi. Mimal chin in a minte uh i lou nuom, lawkhalou um thei ding ahiman in mimal min kilou lou hizaw hi. Pasian in a Hattuom mi siengthoute umpi tou zeelta hen.

Mang Gam a na seppi uh.

T Zamlunmang Zou
Chairman, MELC Delhi

KUM KHAT CHIN NUOMTHU TUTNA

Ani: March 07, 2010
Amun: Biehinn, Munirka
Ahun: 05.00pm - 07.00pm

VAIGUON

Hunkem: Bruce K. Thangkhal, Secretary, LCC
Hunlatna & Vaidawn thugen: Local Pastor
Mipi Nuomthu tutna: Mass Prayer
Phatna La: Nh. Haumuanching
Thugenna: Chairman, LCC
Phatna La: LYF, Delhi
Tuakhawm Dawlna: Grace Niangngaiching
Speech & Tuokhawm Latna: Rev. Liankholal
Phatna La: Tv. Benzamin
Short Message: Rev. G.K. Samte
Mipi Lasahna:
Short Speech: Well Wishers
Mipi Lasahna:
Guolzawlina : Rev. Kaikhanmang

NIENGTUI DAWNNA - LYF Delhi tuonvai

MELCD IN TU TU A PROJECT NEITE

Music Keyboard hoitah khat tukum sunga lei doh tei tei ding chi ningcum apat in ana kitum tahi. Tam toh kisai a hing enkai deu dingin Pastor pu leh LYF te ki ngansie hi. Mikiphah Pu LT Ngaihte & Family ten Rs. 500 leh Pu LK Samte & Family ten Rs. 5000 tuoh hing tuodoh ta uhi. LYF te kukalna zieha i leidoh ngei uh kinepna lienpi kinei hi.

MELC HQ CHURCHTE MAMA

Pi Niengzadim in ngamthaw tah a Khuong/ Tawm hoitah ka poimaw uh chi'a MELC HQ Church te ava gumnaw leh ama un zong thupha selou in Rs. 3000 mantah khat hingna leipieh pai uhi. Lungdam hai maw!

GOSPEL CENTENARY DELHI AH

Southern Manipur Gospel Centenary lopna Delhi khopi ah May 7-8, 2010 in ki zang ding hi. Tuonah ei hattuom in zong pan theina lam chieta pan akila ban ah Rs. 5000 contribution zong kibawl hi.

HATTUOM in CHIEMTE

I Hattuom sunga Baptisma tang masa pen Tv. Kailunlal. Dansiang a ki nung masa pente Pa Khuplianlam leh Nh. Julie Dimthuamching te ahi.

MELC Hattuom sunga thuchin thutang na thei nuom leh
JOIN MELC THUTHANG chi'n 567678

ah thot lechin Hattuom thu hing kikap lut zang zang mai di ahi.

Manipur Evangelical Lutheran Church, Delhi

Constituent Member Church of ELCITHS | Regd.No.101 of 1987 Govt.of Manipur.
 Regd.No.194160073 with Ministry of Home Affairs, Govt.of India
 Hqtr. Zomi Colony, Churachandpur - 795128, Post Box- 10, Manipur India

MELC Delhi

#586, 3rd Floor, PK Malik Building
 Bank Street, Munirka, New Delhi - 110067
 melcdelhi@gmail.com | 9990671987

MELC GHQ is online at www.melcindia.org

MELC Delhi is online at melcindia.wordpress.com

JESU NEI HINNA NUAM

Jesu nei hinna nuam,
 Kipahna thuguh khu,
 Ka hagau muonna hing pie:
 Jesu nei khu Kipahna

Jesu nei pilna bulpi,
 Jesu nei hau na bukim:
 Jesu nei khu vannuoi toh
 kikhenna.

Jesu ka nei hi" chin,
 Gen kawi leng, vannuoi ah
 Tahsanna'n ka muchien ta:
 A shina mel kross tung a.

Jesu nei hinna nuom,
 Mihaute'n neizoulou,
 Mipil ten theisiem lou uh,
 Koi zieh a dang taah ama?

Van kanan ka inn ding,
 Sietlei ka khuolzinna
 Aigupta a hah taluo,
 Ka Mang Jesu hing pui in.

MANGPA LEMGUOT DAN

Ka Mangpa lemguot dan koi in a
 thei jou diei?
 Atapa khattang zong itlou a hing
 pe pan; Sil dang zong itlou hi.

*Tuipi san san va zung,
 Hingpui galkai Mangpa khun;
 Gamdai mun ahing tunta,
 Gamdai mun hing tun pa khun,
 Kanan gam ahing tun ding.*

Muonglasin muong maitan hing
 puipa muonhuoi hi,
 I tunga i Mangpa akipahnah pou
 leh; Gam khu ei a ahi.

Aw kilawm kilawm e ka Mangpa
 mun chiem gam,
 Lungkim louna mawng mawng
 umvawtlou bangbawi tui leh
 khuoizu luonna gam.

A hoidan genseng lou a bukim
 hinailou,
 Van Jerusalem tha a hoi genseng
 guollou, Khum gam khu ana hi.

KATA AW ZAU SIN

Mangpa'n ka tasapte ahing pe ding,
 Ama Jehovah Jireh, Kereth luipieu ah
 A zawlnei vahpa Pasian in amite
 A moulprou lou din ana chiem

*Kata aw zausin keima na Pasian hing
 Natha muvanlai bang hing hatsah kia
 vang; Ka thu nava gen ding hi,
 Gin um in hangsang in pang aw.*

Mangpa'n ka lampite ahing pui ding,
 Ka vavaina Vaka phaidung,
 Ahing pui dante, theisiem sih nanleng,
 Aman sietlei tawp dong in
 Ka hing umpi ding hi achi.

Mangpa'n hitui luongte a nulsien
 ding, Tun kapkap in lunglai na in;
 Dachieng abanban in, ka hing
 theichien ding, A mel dei ka mu ni
 chieng ka gentheinate ngil tavang.

*Mangpa aw hing ngai ing ka ha
 liengvai seng, Ka tha baa leh tawl in
 lungsim a thawmhau; Hing taisan
 vawtsin ka siengah um zing in,
 Hing ngai ing e, nang hing ngai ing e.*

AW KALVARY TANG KHU

Aw Kalvary tang khu ka galdot a,
 Ka hundampa thuona tang khu;
 Mi giin minthang tang havai um akhun
 Ka thuo tangin a thuoh.

Ka kipah hi Mangpa ka kipah hi,
 Tam bang lawm a itna lamdang;
 Ka sutsiemlou hoi va ia tei chie maw,
 Hing phat chim thei sia'ng e,

Tambang lawmlawm a itna lamdang khu
 Siet tuipi a tumsa nuote;
 Itna in na hing puidoh kia ta hi,
 Nangbou hingjui ta vang.

Na sisan in hongta zalenna gam,
 Khummun a hing puitung te khu;
 Na Hagau a na hingna thuomna khu,
 Ka lung akim seng hi.

Gen chim thei sia'ng e na hing khotuona
 Sietlei thupina gen lou in
 Na lungsietna thubou ken sut ta vang,
 Mangpa hing panpi in.

ANNUAL AUDIT REPORT

(01.03.2009-01.03.2010)

RECEIPT

1. Hattuum kiphu ni	
(i) Contributions	Rs. 25000.00
(ii) Tholawm	Rs. 2240.00
2. Tithe	Rs.149638.00
3. Sunday Tuokhawm	Rs. 14334.50
4. Maitaam	Rs. 4550.00
5. Faith Promise	Rs. 20705.00
6. Membership Fee	Rs. 400.00
7. Missionary Box	Rs. 2990.50
8. Bible & Labu man	Rs. 4400.00
9. Prayer Cell	Rs. 1956.00
10. Music Project	Rs. 200.00
11. Guitter Project	Rs. 9000.00
12. Poster Man	Rs. 400.00
13. MISC Contribution	Rs. 4500.00
14. From GHQ	Rs. 9000.00
15. Xmas & N. Year	Rs. 15034.00
16. LYFD Collection	Rs. 958.00
NET TOTAL	Rs.264496.00

EXPENDITURE

1. Pastor Salary	Rs.102200.00
2. Stationery	Rs. 8495.00
3. Refreshment	Rs. 1589.00
4. Music Instruments	Rs. 8430.00
5. Church Rent	Rs. 5400.00
6. Pastorpi Pension	Rs. 6480.00
7. Condolence	Rs. 2093.00
8. Advent X-mas	Rs. 2500.00
9. X-Mas & N. Year	Rs. 13113.00
10. Khanglai Bulletin	Rs. 2000.00
11. Fare Reimbursement	Rs. 15183.00
12. Gospel Centenary	Rs. 5000.00
13. ELWA Target	Rs. 3650.00
14. Mission Field (MPC)	Rs. 1350.00
15. Vondei Sauliim	Rs. 1100.00
16. Pastor Quarter	Rs. 5640.00
17. Mobile Grant	Rs. 1500.00
18. MISC	Rs. 6700.00
TOTAL	Rs.192423.00
RECEIPT	Rs.264496.00
EXPENDITURE	Rs.192423.00
BALANCE	Rs. 72073.00

Auditor:

T. Paulianthang & Bruce K.Thangkhal,
 don nuom neiten auditorte kungah doh
 thei zing ding ahi.

HATTUOM MEMBER PHAZA, MEMBERSHIP FORM LEH KIPHUI HUOINA

Ning kum October tan a minkhum za ahileh mi 86 pha hi. Koi zong min khum
 nuomte'n bang chilai pou in bawl thei ding hi. Online ah a membership form leh
 kipuihuoina dan melcindia.wordpress.com ah download thei zing ding ahi.